

(<https://news.usm.my>)

Berita Mutakhir

23
JUL

USM ANTARA KUASA PENCABAR HEBAT KARNIVAL SUKAN MASUM 2017



PULAU PINANG, 22 Julai 2017 - Universiti Sains Malaysia (USM) kini telah menepati reputasi selaku pencabar utama sukan di peringkat Universiti Awam (UA) dan telah dibuktikan di sepanjang Karnival Sukan MASUM 2017 yang berlangsung selama 14 hari (8-22 Julai) di Universiti Kebangsaan Malaysia (UKM), Bangi Selangor.

Pungutan 18 Emas, 23 Perak dan 19 Gangsa di kedudukan ketiga keseluruhan di Sukan MASUM daripada 20 UA ini membuktikan USM bukan sahaja hebat dari segi akademik dan juga program penyelidikan malah ternyata juga hebat di dalam lapangan sukan.

Sukan Renang di bawah tanggungjawab Pusat Sukan Tumpuan terus cemerlang dengan tuai emas diberikan kepada USM sejak dari awal saingan dan tidak ketinggalan juga pasukan Poomsae Taekwondo dan juga Karate.



Ikon Program Warga Sukan USM, Fatin Nur Fatehah pula membawa pulang 4 Emas berharga dan menepati pencapaian beliau selaku Olahragawati MASUM 2015 dan 2016.

Ini merupakan pencapaian terbaik sepanjang lima tahun sukan di USM yang mendapat sokongan 100% Pusat Sukan dan Rekreasi USM dan juga Naib Canselor USM sendiri yang sentiasa memberi dorongan kepada pencapaian sukan di USM.

Sektor Penyediaan Atlet USM akan terus merangka program yang komprehensif agar konsistensi pencapaian atlet USM terus mantap menjelang 2018-2019 sejajar dengan saranan Pengarah Pusat Sukan dan Rekreasi USM agar pencapaian akademik pelajar/atlet USM terus seiring dengan kecemerlangan sukan.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my).

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015